



## Universitätsbibliothek Paderborn

### **V. P. Gasparis Druzbicki, Societatis Jesu, Opera Omnia Ascetica**

Aucta Duobus Opusculis De Effectibus, Fructu, Et Applicatione Sanctissimi  
Missæ Sacrificii, Et De Sublimitate Perfectionis Religiosæ. Catalogum  
Tractatum Asceticorum Omnium Vicina Post Dedicationem Pagina  
Indicabit

V. P. Gasparis Druzbicki, Societatis Jesu, Fasciculus Exercitiorum Et  
Considerationum, De Præcipuis Veritatibus Christianæ Fidei Et Sapientiæ -  
Ad efformationem Christianæ vitæ, consecutionem salutis æternæ  
collectus: & usui accommodatus

**Druzbicki, Kaspar**

**Ingolstadii, 1732**

**VD18 90066332**

Exerc. 5. Jesus Passus, quantus Inimicorum amator?

**urn:nbn:de:hbz:466:1-45396**

*Hic abluo maculas meas, hic calefacio frigus meum, hic conforto infirmitatem meam, hic suppleo omnes defectus, egestatesque meas, neque meas tantum, sed etiam omnium meorum in te: omnium etiam proximorum meorum: quos omnes una mecum in balneis, fontibusque tuis istis aeternaliter immergo, &c.*

## EXERCITIUM V.

*JESVS Passus quantus Inimicorum Amator?*

1. **S**Tatue tibi ob oculos Cordis JESUM Patrem.
2. Diligenter intuere statum hunc ejus, quem in Passione & subiit, & sustinuit.
3. Peculiari intuitu dispice Amorem ejus erga inimicos, erga persecutores, erga contemptores, erga ingratos, erga crucifixores. Etenim pro his moritur a quibus moritur: pro his fundit sanguinem, qui ipsum ejus fundunt sanguinem: patitur pro te etiam, qui passionis ejus causam dedisti, & qui eum Crucifixisti, qui ejus Crucifixionem saepius & saepius repetisti: qui sanguinem & mortem ejus repetitò millies contulcasti: ita ut tibi incumbat justissimè affirmare de te, quod Paulus affirmavit de se. (Venit Dominus JESUS peccatores salvare, quorum ego primus sum.) An non potes tu cum Paulo, de hoc infelici primatu contendere?
4. Accede ad hoc amorosum, & erga proprios Crucifixores, hostesque Capitales, eodemque simul inutilissimos, atque vilissimos,

adeò mite, benignum, mansuetum, profusum, prodigumque Cor: atque ex eo abundanter hauriendo, inebria te Amore cordiali inimicorum, ingratorum, contemnentium, oblocutorum, persecutorumque tuorum quorumcunque, & qualiumcunque.

5. Exardesce Amore sincero inimicorum, & quorumcunque aduersariorum: & consuesce amare illos exemplo Christi Domini, ex corde pleno, & ex Charitate non fictâ.

6. Maximè verò propterea, quia hic ipse Iesus, Dominus, Deusque tuus, hos ipsos inimicos tuos, Charitate perpetuâ dilexit, sanguineque suo pretioso, & amarâ crucis morte redemit: istamque omnem illorum in te malitiam, immenso dato pretio, tam apud æternum suum Patrem, quam apud te ipsum, jam plusquam abundè compensavit: utque tibi etiam ad Vitam æternam prodesset, commeruit.

7. Ama igitur illos, tanquam redemptos, & pretium sanguinis atque mortis Christi: obliuiscere: imò ne sentias quidem injurias omnes tuas: pro quibus jam pretium adeò pretiosum & copiosum ab Iesu per solutum recepisti: quin & quotidie recipis. Condona illis sicut & Christus: quia & Christus donavit tibi: & quidem infinites plura grandioraque debita; & donationis hujus necdum est finis: quod tute ipse faceris, quando assiduè precaris, *dimitte nobis Matt. 6. 12.*  
*debita nostra.* Si irasceris, si ulcisceris, si ultionem desideras, vel expectas, si auersum animum in corde foves; totum in Iesum redundat Passum: auersione tuâ, ultione, irâ, odio, amaritie cordis tui, pretium quod tibi Iesus jam persolvit con-

Handwritten notes on the right edge of the page, including the word "Druze" and other illegible scribbles.

temnis: & minimè tibi gratum, aut aequum ostendis.

8. Unius ejusdemque debiti nemo duplicem exigit solutionem: debitum inimici apud te tuam jam tibi persolvit Dominus: ut quid ergo illam exigis per vindictam, per iram, per odium, per mali pro malo redditionem?

9. Jam verò attende ad illud; Inimicus, contemptor, malefactor, detractor, calumniator, damnificator, tuus, talis licet sit, est nihilominus idem Dei Patris cælestis, sicut & tu Filius: est tuus Christi Dei-Hominis sicut & tu frater: est tuus in Christi sanguine (quo & tu, & inimicus tuus redempti, & regenerati in Dei filios estis,) consanguineus & germanus. Dum tu inimicum male perire aut perdere vis, optas, satagis, gaudes; vide quid agis? Nonne Deo Patri filium, Christo fratrem, tibi consanguineum, atque fratrem in Christo, perire vis? Et quâ fronte, quâ fiducia, ad Dei misericordiam, ad Christi gratiam, attollere animam tuam, exposcereque debitis tuis veniam, expectare, promittereque salutem præsumis? ô Cain: quid respondebis Domino quærenti; *Ubi est Abel frater tuus?*

*Gen. 4. 9.*

10. Dispice: quàm pridem in hac Christi Passi inimicorum Amatoris scholâ commorens quàm pridem, & quàm sæpè hanc de Amore inimicorum lectionem prælegi, explicarique tibi à Christo, Passo pro inimicis, audias: & eandem in libro Sacratissimæ Humanitatis ejus, cruentis vulnerum characteribus scriptam, imò sculptam relegas: quàm vero parum hactenus in Amandi inimicos, Christi Passi scholâ, & in supereminenti Charitatis ejus scientia profeceris.

ris; quàm contraria huic doctrinæ sapias, sentias, cogites, loquaris, facias?

II. Nunc ergo statim incipe, condiscere hanc linguam, atque Christi Passi sapientiam: ac si, vel olim, vel in præsentem, ab aliquo offensus es, vel te aversum Animo sentis, dona totum Christo Passo, & propter Christum inimicis tuis omnibus, & singulis: sciens tibi non solum ad plenum jus & æquum, sed etiam ex supereffluentia, pro omnibus debitis à Christo Passo esse satisfactum.

P R A X I S.

JESU in doloribus, & ærumnis, pro me demerse, atque pro tuis inimicis, & crucifixoribus, ex tuâ ineffabili Charitate patiens, iramque Patris tui æterni, justissimam ab eis avertens, ac veniam eisdem impetrans, mihi vero luculentissimum, efficacissimumque exemplum, ac magisterium Amandi Inimicos exhibens, atque hanc dilectionem, & injuriarum condonationem, atque oblivionem, nec non in beneficentiâ pro malefactoribus sepultionem, apud me redimens, atque satisfaciens; Omnibus Domine, omnibus, undecunque mihi adversariis, inimicis, ingratis, molestis, contrariis detractoribus, malefactoribus, censoribus, contemptoribus, illusoribus, dimitto, & condono: & vincere mala eorum in bono, bonoque pro malis reponere volo ac statuo: ex corde, perfecte, propter te, in perpetuum. Volo illos & amo tanquam meos, magis autem tuos, in sanguinis tui pretiosi communionem germanos, atque filios, unoque mecum pretio pretiosissimo redemptos, ablutos, sanctificatos, regeneratos. O mi JESU inimicorum Amator, & in eorundem dilectione no-

ster instructor: da mihi in hac doctrinâ tuâ, tandem tandem, semper magis ac magis proficere: ut per omnia efficiar tuus discipulus, & frater, & filius inimicorum propter te, amator sincerus: neque aliud, inter eos, & inter amicos, quantum ad Amorem eorum, discriminis positor aternus.

## EXERCITIUM VI.

*JESUS Passus, quantus DEI Patris, ejusque Gloria, & Voluntatis Amator?*

1. **S**Tatue ob oculos Cordis tui JESUM passum.

2. Ejus hunc lachrymabilem luctuosumque statum, quàm accuratissime, penitissimeque introspicias.

3. Ex hoc ejus statu, atque ex hac miserabili specie conjicies, imò dispicies, Amorem ipsius erga suum Patrem æternum: nec non pro gloriâ illius zelum, & denique ad ejusdem Voluntatis omnia mandata, atque placita subjectissimam promptitudinem, promptissimamque subjectionem.

4. In omnibus Creaturis nullam invenies, quæ majorem in Deum æstuaverit, & æstuet Charitate quàm JESUS. Cujus rei evidentissimum specimen habes: in ejus Incarnatione, Vitâ, Passione, ac Morte. Neminem invenies, qui pro Dei gloriâ plura, & grandiora egerit, atque peritulerit, qui ejus Honorem majoribus impensis, gravioribus laboribus, robustioribus & constantioribus studiis, magnificentioribus & illustrioribus exemplis operibusque procuraverit, promovet